

historicum, virtutem poëmatis epici tamen bene expressisse memorat, ita ut decennalis temporis historiam exhibeat secundum poëtarum morem, qui est a media, vel ultima parte incipere, & in progressu demum initium rei gestæ narrare.

§. X.

Quod Homerus inter Græcos, id Virgilius inter Latinos fuit, primæ nimirum auctoritatis & æstimationis. Quintilianus *Instit. Orator. Lib. X.* ita censet: *Ut apud Græcos Homerus, sic apud nos Virgilius auspiciatissimum dederit exordium, omnium ejus generis poëtarum, græcorum nostrorumque haud dubie proximus. Utar enim verbis iisdem, quæ ex Afro Domitio juvenis accepi, qui mihi interroganti, quem Homero crederet maxime accedere: 'secundus, inquit, est Virgilius, prior tamen primo quam tertio. Et hercle, ut illi nature divinæ atque cælesti cesserimus, ita curæ & diligentiae vel ideo in hoc plus est, quod fuit ei magis elaborandum. Extant variorum lucubrationes, in quibus horum duorum antesignanorum comparatio instituitur. Prætermisso Jacobo Tollo, qui in *Fortuitis Cap. XIII.* Virgilium & Homerum inter se commisit, inclytum Renatum Rapinum S. J. in Gallia Presbyterum hic commemorabimus, qui inter alia erudita opuscula *Observationes* quoque in poëmata Homeri & Virgilii sermone vernaculo edidit, a celeb. Jano Broukhusio in latinum translatis, cujus egregii scripti argumentum nihil aliud quam laudatissimorum duorum poëtarum comparationem complectitur. Hanc,*

Quod Homerus inter Græcos, id Virgilius inter Latinos fuit, primæ nimirum auctoritatis & æstimationis.

Renati Rapini comparatio Virgilii cum Homero.

P

inquit,